



*Disputationis*  
**De Vera Jurisprudencia**

**T H E S I S I.**



**A**cturi de vera JURISPRUDENTIA quædam principia præmittemus, ex quibus illa deduci potest, absque veris enim & genuinis principiis nil quicquam certò sciri potest, Arist. *lib. 1. post. Analyt.* Ac initio supponendum est, hominem natura ducente ferri ad colendam aliquam societatem, homo enim nascitur nudus, omnique ferè ope & auxilio destitutus, vid. Senecam *de beneficiis lib. 4. cap. 18.* Inter quos verò natura constituit indigentiam, inter eos haud dubio vult coli societatem, per quam illa inopia suppletur, Arist. *lib. 1. polit. cap. 2.* Societas verò juxta Arist. *lib. 1. polit. cap. 1.* alia est simplex, alia mixta: illa, ut conjugalis, paterna, herilis; ex his mixta, domus, vicus & civitas: ex qua verò societate hæc indigentia suppleri possit, non est adeò evidens. Et licet primæ illæ & simplices societates in eum finem à natura sint institutæ, ut beneficio illarum, quibus homo indiget, acquirantur, illæ tamen solæ